

---

OFFERYNNAU STATUDOL CYMRU

---

**2019 Rhif 467 (Cy. 112)**

**Y GWASANAETH IECHYD GWLADOL, CYMRU**

**Rheoliadau'r Gwasanaeth Iechyd Gwladol  
(Ffioedd Deintyddol) (Cymru) (Diwygio) 2019**

<i>Gwnaed</i>	-	-	-	-	<i>5 Mawrth 2019</i>
<i>Gosodwyd gerbron Cynulliad</i>					
<i>Cenedlaethol Cymru</i>	-	-			<i>6 Mawrth 2019</i>
<i>Yn dod i rym</i>	-	-			<i>1 Ebrill 2019</i>

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir gan adrannau 125 a 203(9) a (10) o Ddeddf y Gwasanaeth Iechyd Gwladol (Cymru) 2006(1).

**Enwi a chychwyn**

1. Enw'r Rheoliadau hyn yw Rheoliadau'r Gwasanaeth Iechyd Gwladol (Ffioedd Deintyddol) (Cymru) (Diwygio) 2019 a deuant i rym ar 1 Ebrill 2019.

**Diwygio Rheoliadau'r Gwasanaeth Iechyd Gwladol (Ffioedd Deintyddol) (Cymru) 2006**

2. Yn rheoliad 4 o Rheoliadau'r Gwasanaeth Iechyd Gwladol (Ffioedd Deintyddol) (Cymru) 2006(2) (cyfrifo ffioedd)—

- (a) ym mharagraff (1), yn lle “£14.00” rhodder “£14.30”;
- (b) ym mharagraff (2), yn lle “£45.00” rhodder “£46.00”;
- (c) ym mharagraff (3), yn lle “£195.00” rhodder “£199.10”;
- (d) ym mharagraff (4), yn lle “£195.00” rhodder “£199.10”; ac
- (e) ym mharagraff (5), yn lle “£14.00” rhodder “£14.30”.

**Dirymuadau**

3. Mae'r Rheoliadau a ganlyn wedi eu dirymu—

- (a) Rheoliadau'r Gwasanaeth Iechyd Gwladol (Ffioedd Deintyddol) (Cymru) (Diwygio) 2017(3);

---

(1) 2006 p. 42.

(2) O.S. 2006/491 (Cy. 60), a ddiwygiwyd gan O.S. 2017/339 (Cy. 83) ac O.S. 2018/297 (Cy. 55); mae offerynnau diwygio eraill ond nid yw'r un ohonynt yn berthnasol i'r Rheoliadau hyn.

(3) O.S. 2017/339 (Cy. 83).

- (b) Mae Rheoliadau'r Gwasanaeth Iechyd Gwladol (Ffioedd Deintyddol) (Cymru) (Diwygio) 2018(4).

5 Mawrth 2019

*Vaughan Gething*  
Y Gweinidog Iechyd a Gwasanaethau  
Cymdeithasol, un o Weinidogion Cymru

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau'r Gwasanaeth Iechyd Gwladol (Ffioedd Deintyddol) (Cymru) 2006 ([O.S. 2006/491 \(Cy. 60\)](#)) ("Rheoliadau 2006").

Mae rheoliad 2 yn diwygio rheoliad 4 o Reoliadau 2006 (cyfrifo ffioedd) drwy gynyddu'r ffi gymwysadwy sydd i'w thalu am gwrs o driniaeth Band 1, Band 2 a Band 3.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.